

Accion "Santana Cacho"

A detene dos curasoleño y dos Colombiano tambe a confisca arma y droga den marduga

ORANJESTAD (AAN): Oficialnan di Recherche Samanwerking Team (RST), sosteni pa personal di crimen organiza, fuera Polis uniforma a logra pone man riba grupo di persona, kendenan a hinca nan curpa malamente den asunto di droga.

Ta asina cu pa algun tempo caba, manera ta conoci cu via nos costanan tin droga ta yega tera. Gruponan organiza tanto na tera y tambe for di exterior cueste loke cueste ta continua cu nan intento pa sigui pomp placa y droga pa asina sierto parti ta keda riba nos isla y ta percura pa e otro parti worde transporta via di mula pa exterior.

Via canalnan y metodonan sofistica, a logra di desmantela aparentemente parti di e banda internacional. Fuentenan yega cu yudanza di sea agenteran of persona na civil como infiltrante lo por a worde usa pa autoridad por a logra di captura y confisca e lote di droga na "Santana di Cacho" cu a bira un lugar popular pa yega, subi tera, dera droga, pa despues saca esaki y pa bay cay den man di traficantenan.

Oficialnan encarga cu e investigacion, tabata sa di antemano e fecha y horario, y hasta e momento cu e gruponan a topa otro pa tuma e cargamento.

Paso di esnan involvi a worde sigui di acerca sin cu nan a ripara esaki. Na un distancia den scuridad sin medio di comunicacion pero cu verrekijker special cu por worde usa den scuridad a sigui e desaroyo di acerca.

No obstante Aruba ta bluf cu e tin Walradar, tog na dado momento nan a mira con un speedboat tipo Go-Fast a yega. Mientras tanto na tera tabatin un of dos persona cu ta sperando e yegada.

Oficialnan no a move, sino a djis para spera e momento apropia pa dreña den accion.

Por a tuma nota con e contrabandistanan tabata baha rapidamente e bulto of pakinan cual despues a resulta nan contenido ta droga.

No ta conoci si nan por a logra baha tur pero, algo a sosede cu e Go-Fast a trot motor direccion altamar y

desaparece.

Esnan cu a keda tera a worde sorprendi y a worde gara cu man den mansa pa batayon di oficialnan arma te na diente. Tur cos a bay suave, pues ningun tiro a cay.

A keda deteni cuatro persona como sospechoso. Dos di e hombernan ta naci na Colombia, nan inicialnan ta E.M.M. y G.P.C. e dos otro hombernan ta naci na Curaçao nan ta di inicialnan T.R.A. y K.M.B.

Mester remarca dos di e detenidonan tabata abordo di e Go Fast nan a baha tera esta dos Colombianonan.

Tin e dos Curasoleñonan aki, kendenan ta registra aparentemente na Censo como residente di Aruba.

E cantidad di droga a keda confisca y tambe arma di candela aparentemente basta pisa. Bon mes cu oficialnan a actua cu cautela y a evita un confrontacion relaciona cu a

accion "Santana di Cacho".

DIARIO a haya sa, cu dentro di poco Ministerio Publico oficialmente lo bay emiti un boletin relaciona cu e accion relampago den marduga. Vocero di

Ministerio Publico Marianne Croes a confirma cu tin detencion a cay y a confisca droga y arma di candela, pero mucha mas e no por a cometa ya cu e caso ta den pleno investigacion.

Milljon awe ta habri su portanan

ORANJESTAD (AAN)- Awe lo habri su portanan Milljon na De Olde Molen.

E hang-out aki ta focus ariba turista y local y ta un lugar atractivo pa esnan cu kier baila y pasa un rato agradabel.

Durante siman, Milljon lo tin un variedad di musica y tambe anochinan special.

Dos evento lo marca e momentonan special den e

tipico "one in a million night". Tur anochi pa 6.30 ta cuminsa cu e prome happy hour cu "finger licking food" gratis. Y mei anochi lo tin e di dos happy hour cu champagne dos pa un pa glass pa mita prijs.

Pues awenochi un y tur cu ta busca un ambiente nobo pa diverti por pasa for di 10'or en adelante na Milljon na De Olde Molen.

E LOGICA NA ARUBA!!



LAS AMERICAS
(Near Burger King)
Playa (Caya Grandi)
Tel: 582-1576

Maleta cuminsando for di Afl. 25,=